



Bosna i Hercegovina

Grad Sarajevo

Gđa. Benjamina Karić, gradonačelnica

Bosna i Hercegovina
Kanton Sarajevo

17-05-2023
05 04 4128

Poštovana gradonačelnice Karić,

podnosimo, u skladu s Odlukom o uslovima i načinu sticanja statusa udruženja i fondacija od posebnog značaja za Grad Sarajevo, molbu da Međunarodni forum Bosna, nevladina organizacija sa sjedištem u Sarajevu, osnovana 1997. godine, bude proglašena organizacijom od posebnog značaja za Grad Sarajevo.

Smatramo da su svi uvjeti iz navedene odluke ispunjeni u cijelosti. Uz ovu molbu prilažemo sljedeće dokumente:

1. Riješenje o registraciji kod nadležnog organa (Ministarstvo Pravde Bosne i Hercegovine)
2. Riješenje o poreznoj registraciji - ID broj
3. Dokument "Međunarodno forum Bosna: 25 godina postojanja"
4. Izjava br. 1/2023
5. Izjava br. 2/2023
6. Izjava br. 3/2023
7. Izjava br. 4/2023
8. Izjava br. 5/2023
9. Izjava br. 6/2023
10. Izjava br. 7/2023
11. Izjava br. 8/2023
12. Izjava br. 9/2023



S najboljim željama,

Rusmir Mahmutćehajić

Predsjednik MFB

Sarajevo, 10. 5. 2023.

RF. 37/23



Broj: UP09-07-1-1364/21
Sarajevo, 13.07.2021. godine

Ministarstvo pravde Bosne i Hercegovine, rješavajući zahtjev udruženja: Međunarodni forum Bosna, sa sjedištem u Sarajevu, Ulica Sime Milutinovića Sarajlije broj 10, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 68/18), donosi

RJEŠENJE

1. U Registru udruženja Ministarstva pravde Bosne i Hercegovine, kod udruženja: Međunarodni forum Bosna, sa sjedištem u Sarajevu, Ulica Sime Milutinovića Sarajlije broj 10, upisanog pod registarskim brojem: RU-384/06, Knjiga I Registra, dana 06.01.2006. godine, upisuju se promjene, kako slijedi:
 - Upisuje se Rusmir Mahmutćehajić, predsjednik Udruženja, za zastupanje Udruženja u pravnom prometu.
 - Imenovanje članova Upravnog odbora Udruženja.
 - Udruženje se razvrstava za sljedeća područja djelovanja:
2.GRAĐANSKE INICIJATIVE, 8.SARADNJA, 9.OBRAZOVANJE, NAUKA I ISTRAŽIVANJE.
2. Ovo Rješenje će se objaviti u „Službenom glasniku BiH“, o trošku podnositelja zahtjeva.

Obrazloženje

Udruženje: Međunarodni forum Bosna, sa sjedištem u Sarajevu, Ulica Sime Milutinovića Sarajlije broj 10, upisano pod registarskim brojem: RU-384/06, Knjiga I Registra, dana 06.01.2006. godine, podnijelo je 19.05.2021. godine, Zahtjev za upis promjena u Registru udruženja ovog Ministarstva.

U toku postupka, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru. Ministarstvo je aktom Broj: UP09-07-1-1364/21 od 24.05.2021. godine, zatražilo ispravku i dopunu zahtjeva.

Postupajući prema navedenom aktu Ministarstva, podnositelj zahtjeva je podneskom od 22.06.2021. godine uredio Zahtjev za upis promjena u Registru udruženja, te priložio slijedeću dokumentaciju: Zapisnik sa sjednice Skupštine Udruženja od 30.04.2021. godine; Odluku o imenovanju organa Udruženja Broj: 29/21 od 30.04.2021. godine; ovjeren potpis i fotokopiju lične karte lica ovlaštenog za zastupanje Udruženja u pravnom prometu i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi propisani članom 43. stav 2. Zakona o udruženjima i fondacijama Bosne i Hercegovine i člana 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja za udruženje: Međunarodni forum Bosna, pa je je riješeno kao u dispozitivu.


Na ovo Rješenje naplaćena je administrativna taksa u iznosu od 50,00 KM u skladu sa TAR.Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

Dostavljeno:

- Međunarodni forum Bosna
Ulica Sime Milutinovića Sarajlje broj 10
71000 Sarajevo
- Zbirka isprava;
- JP NIO "Službeni list BiH"





Broj: 08.50.1-191/05
Sarajevo, 21.05.2012.godine

Ministarstvo pravde Bosne i Hercegovine, rješavajući Zahtjev Međunarodnog foruma Bosna sa sjedištem u Sarajevu, ulica Sime Milutinovića broj 10, za upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 44/10), donosi

RJEŠENJE

I. U Registru udruženja Ministarstva pravde Bosne i Hercegovine, kod Međunarodnog foruma Bosna, sa sjedištem u Sarajevu, ulica Sime Milutinovića broj 10, upisanog pod registarskim brojem: RU-384/06, knjiga I Registra, dana 06.01.2006.godine, upisuju se promjene, kako slijedi:

a) Statut Međunarodnog foruma Bosna, Broj: 173/12 od 31.03.2012.godine.

- Dopuna adrese sjedišta Udruženja, tako da se umjesto adrese sjedišta: Sarajevo, ulica Sime Milutinovića broj 10, upisuje: Sarajevo, ulica Sime Milutinovića Sarajlije broj 10.

- Izmjena ciljeva i djelatnosti Udruženja.

Ciljevi i djelatnosti Udruženja su: predlaganje i podržavanje istraživačkih i razvojnih projekata i programa u vezi s oporavkom i razvojem u Bosni i Hercegovini, te nevladinih organizacija koje se bave sličnom djelatnošću; organiziranje istraživačkih i dijaloških diskusija putem odbora, savjeta, udruženja i organizacija za različita područja društvenog života povezana s osnovnim ciljevima svog djelovanja; organiziranje različitih kulturnih, stručnih i naučnih skupova radi omogućenja intelektualnih rasprava i razmjene iskustava u istraživanju odnosa međunarodne zajednice i bosanskohercegovačkog društva; sudjelovanje u radu drugih srodnih organizacija, ustanova i udruženja u međusobnoj saradnji u primjeni međunarodnih pravila i standarda civiliziranih društava; razmatranje stanja u bosanskohercegovačkom društvu kao cjelini i svim njegovim pojedinačnim dijelovima kako bi bili utvrđeni i preporučeni programi od strateške važnosti za bosanskohercegovačku budućnost donositeljima političkih odluka; podsticanje i pružanje financijske i druge podrške za obrazovanje i osposobljavanje mladih istraživača u skladu s razvojnim potrebama bosanskohercegovačkog društva i uz saradnju sa vodećim naučno-istraživačkim organizacijama i institucijama; podsticanje, podržavanje i vođenje osposobljavanja članova i drugih građana u Bosni i Hercegovini za aktivnije uključivanje u tokove planiranja i građenja mirne bosanskohercegovačke budućnosti; podsticanje, razvijanje i podrška znanju o ljudskim pravima, civilnom društvu i demokratiji; izdavanje, te podsticanje i podržavanje izdavanja dokumenata, časopisa, knjiga, znanstvenih i stručnih publikacija, radi ostvarivanja ciljeva Udruženja, u skladu sa Zakonom; pomoć i podrška proučavanju i istraživanju svih bitnih sadržaja politike, kulture i ekonomije u Bosni i Hercegovini; podsticanje, vođenje i razvijanje raznolikih oblika okupljanja i zajedničkog rada stručnjaka, znanstvenika i umjetnika u različitim područjima djelovanja i s različitim svjetonazorima; izgradnja okvira i postupaka za povezivanje intelektualnih grupa i organizacija okupljenih u istraživanju i razvoju kroz razne oblike Udruženja; zalaganje za prihvatanje općih etičkih zahtjeva sadržanih u različitim tradicijama kako bi bili shvatani i izražavali poštovanje i povjerenje među pripadnicima različitih vjerskih, etničkih i ideoloških svjetonazora; predlaganje pouzdanih znanja o politici, kulturi i ekonomiji u

Bosni i Hercegovini kao preduvjeta razvoja društvene vrline i napretka i uspješnog integriranja u međunarodni poredak; proučavanje i predlaganje onih sadržaja kulturnih posebnosti koji omogućuju snaženje povjerenja i saradnje unutar bosanskohercegovačkog, evropskog i svjetskog jedinstva u razlikama; proučavanje i sistemsko raspravljavanje o svim oblicima mišljenja i djelovanja, koja iskrivljuju historijske činjenice i negativno utječu na stvaranje pozitivne klime u svrhu izgradnje povjerenja između sudionika bosanskohercegovačkih raznolikosti; podrška mladim u izgradnji uvjeta da koriste svoja istraživačka znanja u snaženju društvenih vrijednosti koje se zasnivaju na temeljima povjerenja i vrlina, kao i povezivanje s pojedincima i akademskim zajednicama kako bi bili snaženi osjećanje i svijest o moralnoj odgovornosti ljudi u građenju svoje budućnosti; saradnja sa nadležnim institucijama, ministarstvima i drugim organizacijama i organima u Bosni i Hercegovini radi ostvarivanja zajedničkih ciljeva, te razmjena iskustava sa sličnim udruženjima u zemlji i inostranstvu.

- Upis znaka Udruženja.
Udruženje ima svoj znak. Znak Udruženja čine tri kruga različite veličine, crne, bijele i plave boje. Sa desne strane izvan kruga u produženju je naziv Međunarodni forum Bosna, napisan na način da je u gornjem dijelu kruga napisano BOSNA velikim štampanim slovima, bijele boje i donjem dijelu Međunarodni, crne boje, a između foruma sa početnim malim stiliziranim slovom f, plave boje.
 - b) prestaju ovlaštenja Rusmiru Mahmutćehajiću, predsjedniku Predsjedništva za zastupanje Udruženja u pravnom prometu.
 - c) Lice ovlašteno za zastupanje Udruženja u pravnom prometu je Rusmir Mahmutćehajić, predsjednik Udruženja, iz Sarajeva, ulica Josipa Štadlera broj 8.
 - d) Promjene organa Udruženja, u skladu sa Statutom Udruženja;
 - e) Razrješenje i imenovanje članova Upravnog odbora Udruženja;
 - f) Imenovanje članova Nadzornog odbora Udruženja;
 - g) Razrješenje Predsjedništva i predsjednika Skupštine Udruženja.
2. Ostali upisi u Registru udruženja izvršeni na osnovu Rješenja broj : 08.50.1-191/05 od 06.01.2006. godine ostaju neizmjenjeni.
3. Ovo rješenje će se objaviti u „Službenom glasniku BiH“.

Obrazloženje

Međunarodni forum Bosna, sa sjedištem u Sarajevu, ulica Sime Milutinovića broj 10, upisan u Registar udruženja kod Ministarstva pravde Bosne i Hercegovine pod registarskim brojem: 384/06, knjiga I Registra, dana 06.01.2006.godine, podnio je 04.04.2012.godine zahtjev za upis promjena u Registru udruženja kod Ministarstva pravde Bosne i Hercegovine.

Uz zahtjev za upis promjena u Registru, Udruženje je priložilo slijedeću dokumentaciju: Statut Međunarodnog foruma Bosna broj: 173/12 od 31.03.2012.godine, u dva primjerka, Odluku Skupštine o usvajanju novog Statuta Udruženja broj: 174/12 od 31.03.2012.godine; Odluku o razrješenju i imenovanju članova Upravnog odbora Udruženja, broj: 177/12 od 31.03.2012.godine, s potisom svih članova Upravnog odbora; Odluku o razrješenju Predsjedništva Udruženja broj: 176/12 od 31.03.2012.godine; Odluku o razrješenju predsjednika Udruženja broj: 179/12 od 31.03.2012.godine; Odluku o imenovanju predsjednika Udruženja broj: 180/12 od 31.03.2012.godine; Odluku o imenovanju lica ovlaštenog za zastupanje Udruženja u pravnom prometu, broj: 182/12 od 31.03.2012.godine; Odluku o razrješenju lica za zastupanje i predstavljanje Udruženja broj: 181/12 od 31.03.2012.godine; Odluku o razrješenju predsjednika Skupštine Udruženja, broj: 175/12 od 31.03.2012.godine; Odluku o imenovanju

članova Nadzornog odbora broj:178/12 od 31.03.2012.godine; ovjeren potpis lica ovlaštenog za zastupanje Udruženja, s ovjerenom fotokopijom lične karte, primjerak znaka Udruženja i Zapisnik sa sjednice Skupštine Udruženja od 31.03.2012.godine.

Uvidom u priloženu dokumentaciju utvrđeno je da su ispunjeni uslovi u skladu sa Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja, pa je riješeno kao u dispozitivu Rješenja.

Na ovo rješenje naplaćena je administrativna taksa u iznosu od 200,00 KM u skladu sa članom 33. stav 2b. navedenog Pravilnika

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



MINISTAR

Bariša Čolak

Dostavljeno:

- Međunarodni forum Bosna, ulica Simc Milutinovića Sarajlje broj 10
71000 Sarajevo
- s ovjerenim Statutom , broj: 173/12 od 31.03.2012.godine
- Zbirka isprava;
- JP NIO «Službeni list BiH».



Broj: 08.50.1-191/05
Sarajevo, 06.01.2006.godine

Ministarstvo pravde Bosne i Hercegovine, rješavajući po zahtjevu udruženja Međunarodni forum Bosna, Sarajevo, ul. Sime Milutinovića broj 10, za upis u Registar udruženja, na osnovu člana 33., a u vezi sa članom 28. st. 1., 2. i 5. Zakona o udruženjima i fondacijama Bosne i Hercegovine ("Službeni glasnik BiH" br. 32/01, 42/03), donosi

RJEŠENJE
o upisu u Registar udruženja

1. U Registar udruženja kod Ministarstva pravde Bosne i Hercegovine upisuje se Udruženje pod nazivom:

Međunarodni forum Bosna
Међународни форум Босна
Međunarodni forum Bosna

Skraćeni naziv Udruženja je: MFB, МФБ, MFB

Naziv Udruženja na engleskom jeziku je: «International forum Bosnia»

Skraćeni naziv na engleskom jeziku je: IFB

Sjedište udruženja je: Sarajevo, Ulica Sime Milutinovića broj 10.

2. Udruženje je upisano pod registarskim brojem 384/06, knjiga registra I, dana 06.01.2006.godine.

3. Danom izdavanja ovog rješenja registrovano udruženje ima slobodu djelovanja na cijeloj teritoriji Bosne i Hercegovine i u obavljanju svoje djelatnosti može upotrebljavati isključivo svoj registrovani naziv.

4. Ciljevi odnosno djelatnosti za koje je udruženje osnovano su:

- predlaganje i podržavanje istraživačkih i razvojnih projekata i programa važnih za oporavak i razvoj Bosne i Hercegovine, te nevladinih organizacija koje se bave sličnom djelatnošću;
- uspostavljanje saradnje sa sličnim udruženjima, asocijacijama, institucijama, ustanovama, odgovarajućim ministarstvima i lokalnim zajednicama, preduzećima, kao i drugim organima i organizacijama u zemlji i svijetu;
- organiziranje istraživačkih i dijaloških odbora, savjeta, centara za različita područja društvenog života povezana sa osnovnim ciljevima svog djelovanja;
- organiziranje znanstvenih i stručnih skupova;
- sudjelovanje u radu drugih srodnih organizacija i ustanova u zemlji i svijetu;
- razmatranje stanja u bosanskohercegovačkom društvu kao cjelini i svim njegovim dijelovima sa preporukom programa nadležnim organima od strateške važnosti za bosanskohercegovačku budućnost i održavanju i snaženju povjerenja u društvu;
- poticanje obrazovanja i osposobljavanje mladih istraživača u skladu sa važnim razvojnim potrebama bosanskohercegovačkog društva i saradnja sa naučno-istraživačkim organizacijama i institucijama;
- pružanje finansijske i druge podrške za obrazovanje i osposobljavanje mladih istraživača u vodećim naučnim ustanovama u svijetu;
- poticanje, podržavanje i vođenje osposobljavanja svojih članova i drugih u Bosni i Hercegovini za djelatnije uključivanje u tokove planiranja i građenja mirne bosanskohercegovačke budućnosti;

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo finansija - financija
Porezna uprava Federacije BiH
Kantonalni porezni ured SARAJEVO

Na osnovu člana 16. Zakona o Poreznoj upravi Federacije Bosne i Hercegovine ("Službene novine Federacije BiH", br: 33/02, 28/04, 67/09, 40/10, 27/12, 7/13, 71/14), Porezna uprava Federacije BiH izdaje

UVJERENJE O POREZNOJ REGISTRACIJI

Međunarodni forum Bosna

Sa sjedištem: SARAJEVO STARI GRAD
Adresom: SIME MILUTINOVIĆA SARAJLJE 10
I identifikacionim brojem:

4200056450002

Registрован je u Poreznoj upravi Federacije BiH
Kantonalni porezni ured SARAJEVO

Po ovlaštenju rukovodioca Kantonalnog ureda

Hafa Kovač, dipl. ecc.

Datum: 29.02.2016.





Međunarodni forum Bosna: 25 godina postojanja

Međunarodni forum Bosna je nevladina organizacija sa sjedištem u Sarajevu (ul. Sime Milutinovića Sarajelije 10). Osnovan je 1997. godine te je od tad razvijan kao intelektualni pothvat čiji je cilj dekonstrukcija vladajućih znanja o bosanskohercegovačkom pluralnom društvu i afirmacija onih njegovih sadržaja koji doprinose snaženju povjerenja kao bitnog preduvjeta harmoniziranja odnosa među pojedincima i grupama.

Međunarodni forum Bosna je upisan u Registar udruženja pod brojem 03-054-466/97 od 5. 11. 1997. godine.

Ovdje će biti prikazani motivi osnivanja i rezultati djelovanja Međunarodnog foruma Bosna od osnivanja do danas.

1. Motiv

Međunarodni forum Bosna je osnovan kao pothvat grupe bosanskohercegovačkih intelektualaca koji su se u okolnostima rata protiv bosanskohercegovačkog naroda i njegove države smatrali odgovornim da ukažu na neodrživost ideologijskih tumačenja kulture i politike bosanskohercegovačke pluralnosti.

Neosporiva je činjenica da od 12. stoljeća bosanski narod pod pojmom Bosna označava svoju političku zasebnost, a tako i njene povijesne, kulturne i ekonomske osnove. Ta je zasebnost prolazila kroz različite unutarnje i šire povijesne, kulturne i političke promjene. Ali svijest o bosanskoj zasebnosti i potrebi njenog branjenja i razvijanja nikada nije iščezla. Uvjeti koje su nametale vlasti u susjedstvu – ugarska, raška i zetska, mletačka i druge – s težnjama potčinjavanja bosanskog naroda i njegovih političkih volja, nikada nisu otklonili osjećaj zasebnosti i prava na slobodnu volju u politici, kulturi i ekonomiji. Ni nakon osmanskog osvojenja Bosne u 15. stoljeću bosansku zasebnost nije bilo moguće zatrti. U novim okolnostima nastavljeno je ustrajavanje na bosanskom jeziku i s njime povezanom kulturnom naslijeđu. Tako je u formi Bosanskog ejaleta očuvana u vrlo teškim okolnostima svijest o povijesnoj i kulturnoj zasebnosti te o idealu političke slobode.

Kada su u 19. stoljeću započeli evropski procesi uobličavanja i homogeniziranja nacija s etnonacijskom državom kao telosom, geopolitički prostor Bosne i njenog susjedstva postao je poprište uspostavljanja, snaženja i razgraničenja dviju etnonacija, srpske i hrvatske. Taj proces se temeljno oslanjao na podsticaj i iskustva iz evropskih historijskih razvoja, što je značilo i artikuliranje teološke i političke drugosti, stranca i neprijatelja.

U etnonacijskim procesima oslobađanja i homogeniziranja srpskog i hrvatskog naroda uglavnom su bili neshvativi i neprihvativi geopolitički prostori na koje su postojale njihove pretenzije s religijski pluralnim društvom i drukčijim povijesnim i kulturnim iskustvima. Zato su programi etničkog teritorijaliziranja zamišljenih prostora etnonacijskih država u nastajanju uključivali etnonacijsko političko osvješćivanje, obezluđivanje svih koji to nisu htjeli ili nisu mogli prihvatiti te posljedična nasilja nad njima s obespravljivanjima, progonjenjima i uništavanjima i njih i svega što je to stanovništvo činilo povijesno i kulturno zasebnim.

U 19. stoljeću, ali i poslije, za tu vrstu etnonacijske homogenizacije i s njom povezanih hegemonijskih odnosa prema teritorijama koje nisu bile određive kao etnonacijske, bilo je moguće tražiti oslonce i tumačenja u evropskim i pozitivnim i negativnim iskustvima. Ali to je i tada bilo u suprotnosti s temeljnim idejama i idealima Francuske revolucije iz 1789. godine i Deklaracijom o pravima čovjeka i građanina, usvojenoj na Ustavotvornoj skupštini Republike Francuske 26. augusta iste godine.

U etnonacijskim pokretima na geopolitičkom prostoru kojem pripadaju Bosna i njen narod nije ni predviđano ni dopušteno mjesto za religijsku pluralnost. Ideje o jedinstvu isključivale su pluralnost povijesnog, kulturnog i političkog iskustva. Na temelju tog isključivanja provedeni su najgori zamislivi zločini protiv drugog i drukčijeg i potom u etnonacijskim naracijama pretvarani u junačke oslobodilačke priče, u konstruiranja historiografija iz kojih su isključivane bilo kakve odgovornosti navodnih pobjednika za izvršene zločine.

Nasuprot tim historijskim procesima tokom 19. i 20. stoljeća opstajao je ideal bosanske religijske pluralnosti. To nikako ne znači da bi stanja u bosanskom društvu bilo opravdano određivati kao pravedna, u savremenom značenju tog pojma, s obzirom na one razvoje u svijetu kojima temelje valja tražiti u velikim revolucijama koje su dovele do sadašnjih kategorija demokratskog legitimiranja vlasti, vladavine pravednih zakona i koncepta ljudskih prava. Riječ je zapravo o idealu koji je u bosanskoj društvenoj zbilji preživio kroz sva prethodna stoljeća – idealu prava pojedinca i zajednice da budu religijski drukčiji te da

njihove etničke i rasne razlike ne budu razlog ugrožavanja ljudskog dostojanstva. Taj je ideal opravdano nazvati jedinstvo u razlikama ili razlikama u jedinstvu. On nije temelj savremenih koncepata razvijenih društava. To za bosanske ljude jeste ideal koji potvrđuje savremena politička zbilja razvijenog svijeta. To je i njihova dragocjena baština.

Kada su ljudi u središnjem dijelu južnoslavenskog prostora bili suočeni s afirmacijom fašističkih moći i erupcijom nasilja u toku Drugog svjetskog rata, otpor tome i proklamacije borbe za bolju budućnost nametali su dekonstruiranje i odbacivanje vladajućih etnonacionalističkih i hegemonističkih odnosa prema Bosni i njenom narodu. Naime, od vremena nastanka Kraljevine Srba, Hrvata i Slovenaca/Kraljevine Jugoslavije bosansko pitanje je smatrano riješenim, a to znači izbrisanim s geopolitičke karte kao demografske, kulturne i političke činjenice. Jasno je tada bilo da priznavanje očitosti postojanja bosanskohercegovačkog društva i nužnosti omogućenja njegove političke suverenosti znači i uspješnost okupljanja južnoslavenskih naroda i ljudi u zajedničkoj borbi protiv fašizma, a posljedično i za slobodu i pravdu. Jugoslavenska federacija je nastala iz suverenih volja upravo iz tih činitelja južnoslavenske pluralnosti. To je bio temeljan i principijelan zaokret u odnosu na etnonacijske politike za koje su nositelji komunističkog/socijalističkog programa smatrali da su prolazno stanje prema prevlasti klasne emancipacije. Tako je bosansko pitanje, smatrano u decenijama prije Drugog svjetskog rata konačno riješenim, ipak ostalo samo djelimično riješeno. O tome jasno svjedoči vladajući stav vodstva Komunističke partije Jugoslavije iznijet u riječima Moše Pijade krajem 1948. godine u Sarajevu:

Bosna i Hercegovina zauzimaju posebno mjesto među ostalim našim narodnim republikama. Ona je šesta jugoslavenska republika u zajedničkoj državi u kojoj živi pet jugoslavenskih nacija (...) Istorijski momenat igra ulogu samo ukoliko je u istorijskom razvitku ovih zemalja u njima stvoren naročiti odnos u njihovom nacionalnom sastavu, tako da u njoj živi u nerazrušivoj izmešanosti deo srpskog i deo hrvatskog naroda, dok treći deo stanovništva sačinjavaju muslimani slovenskog porekla, koji su primili islam i koji sebe obeležavaju po verskoj pripadnosti, a u velikoj većini nacionalno nisu opredeljeni. Ova činjenica da se danas može u Evropi naći stanovništvo bez nacionalnog obeležja plod je one teške zaostalosti i velikog stagniranja, koje karakteriše skučenost turskog feudalizma. Prema tome, Bosna i Hercegovina nisu, kao ostale narodne republike, država ove ili one jugoslavenske nacije; tj. Narodna Republika Bosna i Hercegovina nema obeležja nacionalne republike kao ostale (...) Tako su voljom čitavog svog stanovništva, a pod rukovodstvom i na liniji pravilne nacionalne politike naše partije Bosna i Hercegovina, juče zemlja srpsko-hrvatskog razdora, postala osnovom čvrstog i više neraskidivog bratstva i jedinstva srpskog i hrvatskog naroda, a s time i moćna podloga bratstva i

jedinstva svih jugoslavenskih naroda (...) Ne smemo se uspavljivati time što je nacionalno pitanje rešeno i ne smemo zbog zaoštavanja klasne borbe u periodu socijalističke izgradnje zaboravljati na nacionalno pitanje, zauzimati stav kao da ga više nema ili padati u pogrešno shvatanje da proces razvitka vodi stvaranju neke nove, bosanske nacije. To je zabluda opasna, zabluda koja ne znači nikakav napredak, već naprotiv nazadak prema postignutom rešenju nacionalnog pitanja u ovim oblastima. (Pijade, M., Govor člana Politbora CK KPJ, 19, 20, 21)

Kako se vidi iz tog navoda, konfuzija u shvatanju koncepata države, nacije i naroda je prevelika. Za njeno održavanje i pravdanje potrebno je pokazivanje prema nekoj anomaliji koja bi tu konfuziju prekrila. Ta anomalija su muslimani, navodno samo vjerska zajednica, koji sebe predstavljaju neopredijeljenim. Njihovo takvo postojanje je navodno teške zaostalosti, a ne njihovog nasilnog odvrćanja od tog što jesu i nasilnog uguravanja u to što nisu. Upravo to je suština onih ideologija koje su bile osnova najgorih zločina.

Federativna Narodna Republika Jugoslavija/Socijalistička Federativna Republika Jugoslavija postala je članica Organizacije ujedinjenih nacija. Jasno je da u tom odnosu nacija znači sve građane jedne države. A nema i ne može biti države koja bi bila etnički, religijski ili svjetonazorno homogena. Prema tome, bosanskohercegovačka republika, gradivni činilac jugoslavenske federacije, jest nacija koliko je to i jugoslavenska država federacijski izvedena iz šest republika. Kada je započeo proces disolucije jugoslavenske federacije, državna ili nacijska suverenost savezne države vraća se njenim činiteljima, državama/nacijama. To je bilo neprihvativo elitama etnonacijskih ideologija velikosrpstva i velikohrvatstva koje su obnovile stare programe podjele Bosne na temelju rastavljanja naroda prema njihovom religijskom pripadanju. Tako su postignuća borbe protiv fašizma a za državu u kojoj bi ljudska prava svih bila šticeana, vraćena unatrag, na postavke etnonacijskih elita koje su kulminirale 1929. godine u zavođenju diktature kralja Aleksandra Karađorđevića i nametanju potpunog raščerećenja bosanskohercegovačkog teritorijskog, povijesnog i političkog subjektiviteta te potom 1939. godine iz tog izvedene podjele bosanskohercegovačke teritorije između banovine Hrvatske i zamišljene banovine Srpske zemlje.

Obnova tih antibosanskih programa, ideologijske zamisli o razdvojenosti i teritorijaliziranju bosanskohercegovačkih etnonacijskih subjektiviteta postali su osnova rata protiv bosanskohercegovačkih ljudi i njihove države. Jedini moralni i politički odgovor na to morao je biti nepristajanje na podjelu i odlučno zagovaranje bosanskohercegovačkog ideala jedinstva u razlikama i razlika u jedinstvu, u demokratski legitimiranoj državnoj vlasti, s

nepovredivim ljudskim pravima svih u svemu. Međunarodni forum Bosna je nastao u potrazi za odgovorom na taj izazov.

2. Nastajanje

U agoniji podsticanja i širenja antibosanske ideologije, osporavanja mogućnosti bosanskohercegovačke države i s time povezanih djelovanja protiv sveg iskustva zajedničkog života bosanskohercegovačkih ljudi, pred svima u zemlji, ali i šire, bila je zadaća složenog branjenja svega što se ticalo te države. Činitelji bosanskohercegovačke političke vlasti, a to znači zakonodavne, sudske i izvršne, bili su izloženi razaranjima i izvana i iznutra. U dogovorima Slobodana Miloševića i Franje Tuđmana obnovljene su antibosanske postavke iz dogovora Dragiše Cvetkovića i Vlatka Mačeka iz 1939. godine prema kojima bosanskohercegovačka država nije moguća. U toku rata protiv bosanskohercegovačke države pružani su različiti otpori tim destruktivnim programima i djelovanjima utemeljenim na njima u svi slojevima bosanskohercegovačkog društva. Skupina intelektualaca još u ratu je odlučila da javno istupi sa svjedočenjima:

- bosanskohercegovačko društvo i njegova država su i potrebni i mogući kao najbolji interes cijelog geopolitičkog prostora jugoistočne Evrope;
- neprihvativa je tvrdanja da bosanskohercegovačko društvo i njegovu državu ugrožavaju etničke i religijske razlike te da su one u osnovi navodne političke agonije;
- tvrdnje o nemogućnosti bosanskohercegovačkog društva kao harmonične političke zajednice posve su suprotne iskustvima gotovo svih razvijenih demokratskih država svijeta;
- zagovaranja nemogućnosti bosanskohercegovačke države kao harmoničnog političkog poretka nužno vode u sukobe za koje su odgovorni svi koji prema njima ostanu ravnodušni;
- na bosanskohercegovačkim intelektualcima su i moralne i političke obaveze da se suprotstave redukcionističkim etnonacijskim ideologijama te da zagovaraju harmoniziranje odnosa u društvu i snaženje kapitala društvenog povjerenja;
- ni u jednom religijskom naslijeđu, a to znači ni u muslimanskom ni u pravoslavnom ni u katoličkom ni u jevrejskom, nije moguće pronaći razloge protiv bosanskohercegovačke društvene pluralnosti, a kada ih neko ipak u tome nalazi, neosporivo je da su najvažnija etička počela tako krivotvorena;
- niko s moralnom odgovornošću ne može ostati ravnodušan pred osporavanjima bosanskohercegovačkog društva i njegove države te je zato dužan javno svjedočiti u prilog njihove obrane.

Oko tih načela vrlo brzo, još u vrijeme rata, okupljena je skupina pojedinaca iz cijele zemlje. U prvo vrijeme djelovala je oko časopisa *Dijalog*. Svoje postavke o obrani

bosanskohercegovačkog jedinstva u razlikama nastojala je predstaviti akademskoj i političkoj javnosti u zemlji i svijetu. To su učinili i ministru Janu Pronku iz Vlade Kraljevine Nizozemske, višestruko uključenog u različite oblike humanitarne pomoći bosanskohercegovačkom narodu. Na osnovi tih kontakata, u proljeću 1997. skupina intelektualaca iz navedenog kruga – Mirza Kušljagić, Ivan Lovrenović, Halida Mahmutćehajić, Rusmir Mahmutćehajić, Krsto Mijanović, Planinka Mikulić, Žarko Papić, Vladimir Premec, Arif Tanović, Vojislav Vujanović – pozvani su u Nizozemsku kao gosti Vlade te države. Organiziran je niz sastanaka s vodećim ljudima u ministarstvu razvoja Vlade Kraljevine Nizozemske o mogućnostima pomoći bosanskohercegovačkom narodu i njegovoj državi. Navedeni gosti su u tim razgovorima iznijeli tri prijedloga:

- (1) Prvi prijedlog je bio da Vlada Kraljevine Nizozemske lobira među zemljama Evrope da u Bosni i Hercegovini bude uspostavljen novi evropski univerzitet koji bi bio pod jurisdikcijom Evropske unije, uz primjenu najviših kriterija istraživanja i poučavanja, uz prisustvo najuglednijih naučnika iz svijeta. Taj univerzitet bi imao status eksteritorijalnosti u bosanskohercegovačkoj državi, slično nekim od istraživačkih instituta (Centar za teoretsku fiziku u Trstu, naprimjer, koji je pod pokroviteljstvom Organizacije ujedinjenih nacija, Organizacije ujedinjenih nacija za obrazovanje, nauku i kulturu i Agencije za atomsku energiju). Univerzitet bi bio otvoren za studente iz regiona i cijeloga svijeta te bi na taj način bio odlučan činitelj dalekoročnog stabiliziranja pluralnosti u jugoistočnoj Evropi i šire.
- (2) Drugi prijedlog je bio da Vlada Kraljevine Nizozemske pomogne uspostavljanje velikog bosanskog instituta u kojem bi bili istraživani svi sadržaji pluralnih društava s naročitim osvrtom na bosanskohercegovačko društvo radi njihovog efikasnog uključivanja u internacionalnu saradnju. Opravdanje za takav institut bila bi upravo činjenica bosanskohercegovačke religijske pluralnosti koja je jedina preživjela kroz gotovo deset stoljeća te zato i paradigmatična za realiziranje evropskih i svjetskih ideala o svjetskoj etici i šticeanju mira na temelju različitih religijskih naslijeđa. I taj institut bi bio pod zaštitom Evropske unije, jer bi to bio preduvjet njegove neovisnosti i slobodnog djelovanja.
- (3) I treći prijedlog je bio osnivanje nevladine organizacije u kojoj bi bili podsticani i razvijani odnosi prema bosanskohercegovačkom društvu kao paradigmatičnom evropskom slučaju na čijoj zaštiti su odmjeravane kultura, politika i ekonomija velikog evropskog integracijskog pothvata.

Navedeni prijedlozi temeljeni su na pretpostavkama o složenom i dugotrajnom procesu tranzicije svih južnoevropskih država, od iskustva totalitarnih vladavina prema društvima koja svoje vlasti legitimiraju slobodnim demokratskim izborima te se razvijaju prema uzorima održivih liberalnih demokracija. Iako su sva društva na jugoistoku Evrope prošla intenzivne procese moderniziranja, sve njihove obrazovne i naučne institucije bile su

politički ovisne te u njihovome naslijeđu postoje recidivi nedemokratskih mentaliteta. Uspostavljanje nezavisnih obrazovnih i naučnih institucija doprinosilo bi poželjnim promjenama unutar tih institucija.

U raspravama koje su trajale cijelu sedmicu zaključeno je da bi treći prijedlog bio izvediv uz podršku Vlade Kraljevine Nizozemske. Zaključeno je da u nevladinoj organizaciji Međunarodni forum Bosna, koju tek treba osnovati, bude uključen kao njen temelj projekat *Bosnia: Research and Development/Bosna: Istraživanje i razvoj* (BOSRED). Sudionici rasprave u Vladi Kraljevine Nizozemske preuzeli su obavezu da osnuju nevladinu organizaciju Međunarodni forum Bosna, da kao njen prvi zadatak organiziraju potrebne rasprave o projektu BOSRED i uz to organiziraju internacionalnu konferenciju *Bosanska paradigma*.

3. Međunarodni forum Bosna

Na osnivačkoj skupštini, u čijem radu je sudjelovalo 72 građanina Bosne i Hercegovine iz svih krajeva, 27. septembra 1997. godine donijeta je odluka o osnivanju Međunarodnog foruma Bosna, nevladine organizacije sa sljedećim ciljevima:

- istraživati i javnosti predstaviti najvažnije sadržaje bosanskohercegovačke kulturne, političke i ekonomske pluralnosti;
- štiti tu pluralnost i podsticati njen razvoj prema harmoničnim i graditeljskim odnosima njenih sudionika;
- uspostaviti mreže pojedinaca i skupina u cjelini bosanskohercegovačkog društva koji bi istraživali osnove tolerancije među njegovim najvažnijim sadržajima te ih u vlastitim javnim djelovanjima predstavljali i promovirali;
- realizirati cijeli pothvat na osnovi povjerenja u jedinstvo u pluralnosti i pluralnost u jedinstvu koji su jamstvo poželjne budućnosti svijeta;
- ideologijske postavke o jedinstvu koje isključuje slobodu pojedinca, o žrtvovanju za utopijsku budućnost te o konstruiranim i održavanim neprijateljstvima prema drugom i drukčijem dekonstruirati u skladu s najboljim iskustvima razvijenog demokratskog svijeta;
- na cijeloj bosanskohercegovačkoj teritoriji uspostaviti regionalne centre i klubove u kojima i preko kojih bi bili predstavljani i realizirani sadržaji osnivačkog cilja;
- osigurati istraživanja u svim područjima društvenog života koja se tiču stabiliziranja bosanske kulturne, političke i ekonomske usmjerenosti prema harmoničnom političkom poretku;
- podsticati i podržavati istraživačke projekte u svim područjima kulture, politike i ekonomije, koji bi doprinosili uspješnoj tranziciji bosanskohercegovačkog društva prema idealima razvijenih evropskih demokracija;

- podsticati i podržavati obrazovanje i osposobljavanje pojedinaca i skupina u funkciji snaženja društvenog povjerenja na osnovi demokratskog legitimiranja vlasti, vladavine prava i nepovredivosti prava pojedinca;
- dekonstruirati vladajuća ideologijska razumijevanja religijske pluralnosti kao smetnje društvu tolerancije i solidarnosti;
- usporedo s postignutim istraživačkim rezultatima, uz transfer iskustava iz razvijenog svijeta, organizirati javna predavanja, naučne skupove i razgovore u kojima bi bila promicana najbolja iskustva iz demokratskih pluralnih društava;
- osigurati transgeneracijske razmjene iskustava i znanja o poželjnoj demokratskoj budućnosti u skladu s najboljim evropskim naslijeđem i njemu odgovarajućim vizijama razvoja i integracija;
- bosanskohercegovačkoj naciji, to jeste državi kao najboljem interesu svih njenih religijskih, etničkih i drugih društvenih sadržaja, odrediti mjesto pouzdanog susjeda i članice internacionalnog poretka;
- na osnovi povjerenja i tolerancije temeljenih u različitim vidicima svijeta osigurati osvješćivanje bosanskohercegovačke društvene i državne cjelovitosti;
- u punoj otvorenosti djelovanja, uz potrebna najšira raspravljanja o svim prijedlozima programa, osigurati prisutnost na cijeloj bosanskohercegovačkoj teritoriji;
- onemogućiti ideologijske nadmoći nad istraživačkim i obrazovnim programima, ali uz punu otvorenost prema svim sadržajima društvenog života;
- omogućiti višesmjernu razmjenu ljudi i znanja sa sličnim organizacijama u zemlji i svijetu;
- graditi mreže saradnje i prijateljstva na različitim istraživačkim i obrazovnim projektima te njima pratećim djelovanjima; itd.

Navedeni sadržaji cilja osnivanja Međunarodnog foruma Bosna uključeni su u Statut i prijedlog projekta BOSRED kao njegova osnova. Nakon što je osnovan Međunarodni forum Bosna, organizirana je široka rasprava o prijedlogu projekta BOSRED. Kada je o tome postignuta suglasnost, projekat je predstavljen široj bosanskohercegovačkoj javnosti i Vladi Kraljevine Nizozemske.

4. Projekt *Bosna: Istraživanje i razvoj* (BOSRED)

Radi realiziranja sadržaja osnivačkog cilja Međunarodnog foruma Bosna, a prije svega projekta *Bosna: Istraživanje i razvoj*, osnovani su regionalni centri – Regionalni centra u Banjoj Luci, Regionalni centar u Tuzli, Regionalni centar u Mostaru – i tematski centri – Centar za strategijske studije, Centar za tehnologije i ekonomski razvoj, Centar za studentske programe, Centar za interreligijski dijalog, Centar za prirodno naslijeđe, Centar za kulturno naslijeđe, Centar za energetiku, Centar za moderne jezičke teorije i prevodenje, Centar za rodna istraživanja, Centar za proučavanje historije, Centar za regionalnu saradnju, Centar za medije i komunikacije te Centar za interdisciplinarno istraživanje vizuelne kulture. Svi

navedeni centri imali su svoje voditelje. Tako je omogućena i podržavana poduzetnost članova Međunarodnog foruma Bosna i uključivanje novih članova u njegov razvoj. To su bili osnova i okvir predstavljanja i razvoja projekta BOSRED.

Od 1998. godine objavljavani su natječaji za prijavu kandidata za stipendiranje na različitim razinama zvanja (dodiplomske, postdiplomske i doktorske studije), za podršku istraživačkim projektima. Posve transparentno, uz uključenost svih organizacijskih tijela Međunarodnog foruma Bosna, provedeni su postupci izbora prijavljenih kandidata i projekata. Kriteriji izbora uključivali su: (1) regionalna, rodna i etnička zastupljenost; (2) uspjeh u prethodnom vremenu; (3) relevantnost područja studiranja sa stanovišta cilja; (4) uključenost u dekonstruiranje naslijeđenih ideologijskih obrazaca i podsticanje znanja o različitim utemeljenjima tolerancije u pluralnom društvu; (5) spremnost kandidata da sudjeluju u istraživačkoj mreži; i (6) prihvatanje ugovora kojima su jasno određeni prava i obaveze obiju strana.

U sljedećoj tabeli dani su brojevi prikazi potpora koje su osigurane projektom *Bosna: Istraživanje i razvoj*.

Tabela 1. Potpore za dodiplomske, postdiplomske i doktorske studije

Razina studija	Broj kandidata koji su primili potporu
dodiplomski	118
postdiplomski	89
doktorski	50
Ukupno	257

U istom vremenu, a to znači od 1998. do 2008., prihvaćena je i finansijski podržana 91 istraživačka tema projekta *Bosna: Istraživanje i razvoj*. I te su istraživačke teme odabrane na osnovi već spomenutog cilja i kriterija. U 1998. i 2008. godini objavljeni su po jedan javni poziv, a u godinama između po dva javna poziva, i to tako da su bila dostupna najširoj javnosti. Svi pozivi su objavljivani u svim tada postojećim bosanskohercegovačkim dnevnim novinama.

Na javne pozive stizao je deseterostruko veći broj prijavi nego li je bilo moguće odabrati u skladu s raspoloživim finansijskim sredstvima. Na taj način je u direktne odnose s

Međunarodnim forumom Bosna bilo uključeno više hiljada članova bosanskohercegovačke akademske zajednice. To i rezultati istraživačkih tema bili su osnova za organiziranje brojnih pratećih pothvata – razgovori, predavanja, seminari i konferencije u gotovo svim većim bosanskohercegovačkim gradovima.

5. Prateći programi

Srž pothvata nevladine organizacije Međunarodni forum Bosna bio je projekt *Bosna: Istraživanje i razvoj*. A srž tog projekta bila su naučna istraživanja u funkciji dekonstruiranja vladajućih znanja o bosanskohercegovačkoj društvenoj pluralnosti i njenog usmjeravanja prema razvoju u skladu s poželjnom budućnošću. Zato su usporedo s tim aktivnostima organizirani redovni skupovi u zemlji, ali i u inozemstvu.

Javna predavanja, razgovori, simpoziji i konferencije te različite izložbe organizirani su u Sarajevu, Tuzli, Banjoj Luci, Mostaru, Brčkom, Stocu, Livnu, Doboju, Zenici, Travniku, Kladnju. Cilj tih skupova bio je redovito u skladu s ciljem i rezultatima projekta *Bosna: Istraživanje i razvoj*. Na tim skupovima okupljeno je vjerovatno više od stotinu hiljada bosanskohercegovačkih građana. Neki od njih bili su u doslovnom smislu povijesni i pionirski u zagovaranju bosanskohercegovačkog jedinstva u razlikama. Na prvom internacionalnom skupu pod naslov *Bosanska paradigma*, održanom u Sarajevu u ljetu 1998. godine, sudjelovalo je više stotina uglednih istraživača i javnih radnika iz zemlje i svijeta. Time je otpočet dugoročni pothvat spomenute višesmjerne saradnje bosanskohercegovačke intelektualne javnost s pojedincima i institucijama u zemlji i svijetu.

Tako su bosanskohercegovački skupine i pojedinci, članovi Međunarodnog foruma Bosna, sudjelovali u nizu programa u: Crnoj Gori (Podgorica, Bar, Ulcinj, Plav i Gusinje); Hrvatskoj (Pula, Opatija, Zagreb, Split i Dubrovnik); Srbiji (Beograd i Novi Pazar); Makedoniji (Ohrid); Sloveniji (Ljubljana); Kosovu (Priština, Prizren, Đakovica); Italiji (Firenca, Reggio Emilia, Rim i Trst); Francuskoj (Pariz, Lion i Lil); Luksemburgu; Norveškoj (Oslo); Švedskoj (Štokholm); Njemačkoj (Berlin i Bon); Austriji (Beč i Leipcig); Albaniji (Tirana, Gjirokastre i Butrint); Poljskoj (Varšava, Krakov i Poznanj); Mađarskoj (Budimpešta i Estergom); Turskoj (Istanbul i Antakija); Egiptu (Kairo i Aleksandrija); Izraelu/Palestini (Jeruzalem, Haifa, Nazaret, Betlehem, Hebron i Nablus); Jordanu (Aman); Iraku (Mosul); Sjedinjenim Američkim Državama (Boston, New Haven, Konektikat, Filadelfija i Haverford); Ujedinjenim Arapskim Emiratima (Dubai, Abu Dabi i Šarža); Libanu (Beirut); Tunisu; Bahreinu; Irskoj (Dablin); Velikoj Britaniji (Cambridge, London i Oxford); Švicarskoj (Gland

i Cirihi); Kipru (Nikozija), kao i u programima internacionalnih organizacija kao što su UNESCO, ICCROM, ARC-WH, Svjetska banka, ICOMOS i druge. Ti programi su uključivali ugradnju iskustva članova Međunarodnog foruma Bosna u međunarodne pravne i strateške dokumente.

6. Časopis *Forum Bosnae* i veb-stranica

Odmah s osnivanjem Međunarodnog foruma Bosna pokrenut je časopis *Forum Bosnae*. Od tada do danas objavljeno je 98 brojeva (99. i 100. su u pripremi). To je danas najutjecajniji časopis u zemlji koji se sistematično bavi pitanjima bosanskohercegovačke povijesti, kulture, politike i ekonomije. Ovdje će biti dani naslovi tematskih brojeva tog časopisa:

Adam B. Seligman, Rusmir Mahmutćehajić, ur., *Tolerancija i tradicija*, 9-10 (2000)

Ivan Lovrenović, Fransis R. Jones, ur., *Life at the Crossroads*, 11 (2001)

Branko Horvat, *Ekonomika brzog razvoja, I svezak*, ur. Žarko Papić, 12 (2001)

Branko Horvat, *Ekonomika brzog razvoja, II svezak*, ur. Žarko Papić, 13 (2001)

Mile Babić, Rusmir Mahmutćehajić, ur., *Tolerancija, ideologija, tradicija*, 14 (2001)

Fransis R. Jones, Ivan Lovrenović, ur., *Reconstruction and Deconstruction*, 15 (2002)

Rusmir Mahmutćehajić, Mile Babić, ur., *Univerzalizam i pripadanje*, 16 (2002)

Žarko Papić, *Bosna i Balkan: Mogućnosti i uslovi oporavka*, 17 (2002)

Rusmir Mahmutćehajić, ur., *Religija i javni život*, 19 (2002)

Nevenka Hajdarović, *Biografija časopisa Forum Bosnae 1998–2002.*, 20 (2003)

David Campbell, *Nacionalna dekonstrukcija: Nasilje, identitet i pravda u Bosni*, 21 (2003)

Kadrija Hodžić, *(Re)privatizacija i globalizacija – ekonomska misao privatizacije, privatnog vlasništva i slobodnog tržišta u globalnoj privredi*, 22 (2003)

Mile Babić, Mirko Đorđević, Shlomo Fischer, Suzanne Last Stone, Rusmir Mahmutćehajić, ur., *Uputa nastavnima: Tolerancija i religijski principi, II izdanje*, 23 (2005)

Riccardo Panattoni, *Pripadnost i eshaton*, 24 (2004)

Florian Bieber, *Institucionaliziranje etničnosti: Postignuća i neuspjesi nakon ratova u Bosni i Hercegovini, na Kosovu i u Makedoniji*, 25 (2004)

Jasminka Babić-Avdispahić, Jasna Bakšić-Muftić, Marina Katnić-Bakaršić, Nirman Moranjak-Bamburać, ur., *Izazovi feminizma*, 26 (2004)

Željko Škuljević, ur., *Laž u politici*, 27 (2005)

- Mile Babić, Mirko Gjorgjević, Suzanne Last Stone, Rusmir Mahmutćehajić, ur., *Udhëzime për asimtarët: Toleranca dhe parimet religjioze*, 28 (2005)
- Gilles Clamens, ur., *Savremena politička filozofija u Evropi: Francuski pogledi*, 29 (2005)
- Gilles Clamens, ur., *La philosophie politique contemporaine en europe: Un aperçu français*, 30 (2005)
- Fikret Čaušević, *Ekonomski suverenitet i globalni tokovi kapitala*, 31 (2005)
- Sonja Dujmović, ur., *Historiografski vidici I*, 32 (2005)
- Mile Babić, Mirko Đorđević, Shlomo Fischer, Suzanne Last Stone, Rusmir Mahmutćehajić, ur., *Directives aux enseignants: Tolerance et principes religieux*, 33 (2005)
- Nedžad Leko, ur., *Lingvistički vidici*, 34 (2005)
- Sonja Dujmović, ur., *Historiografski vidici II*, 35 (2006)
- Mile Babić, Mirko Đorđević, Shlomo Fischer, Suzanne Last Stone, Rusmir Mahmutćehajić, ur., *Guidelines for Teachers: Tolerance and Principles of Religion*, 36 (2006)
- Fikret Čaušević, *Economic Sovereignty and Global Capital Flows*, 37 (2006)
- Nevenka Hajdarović, *Bibliografija 1997–2007*, 40 (2007)
- Skender Kulenović, *Soneti/Sonnets*, prev. Fransis R. Jons, 41 (2007)
- Anica Nazor, prir., *Radosavljeva bosanska knjiga: Zbornik krstjanina Radosava*, 42 (2008)
- Herta Kuna, *Srednjovjekovna bosanska književnost*, 45 (2008)
- Lejla Nakaš, ur., *Bosanska ćirilčna pisma/Bosnian Cyrillic Letters*, 53-54 (2011)
- Lejla Nakaš, Catherine Mary MacRobert, prir., *Bosanski psaltir: Iz Zbornika Hvala krstjanina*, 60 (2012)
- Fikret Čaušević, *Bosanska ekonomska enigma: O tranziciji od 1996. do 2013. godine*, 63-64 (2013)
- Lejla Nakaš, prir., *Vrutočko bosansko četveroevanđelje*, 67-68 (2015)
- Narcisa Saračević, Emina Marić-Jašarević, *Biblioteka Sarajeva: Bibliografija publikacija o Sarajevu 1880–2014*, 69-70 (2015)
- Lejla Nakaš, prir., *Plovdivska bosanska knjiga*, 71 (2016)
- Tim Winter, ur., *Priručnik klasične islamske teologije*, prev. Rusmir Mahmutćehajić, 72-73 (2016)
- Mehmed Kardaš, prir., *Bosansko četveroevanđelje: Sofijski odlomci*, 80 (2018)
- Lejla Nakaš, *Paratekstualnost u bosanskoj srednjovjekovnoj književnosti*, 83-84 (2018)
- Salih Burek, *Sjećanja i izabrani spisi*, prir. Kadrija Hodžić, 85-86 (2019)
- Fatima Veispahić, prir., *Sanktpeterburški bosanski apostol: RNB Gilj 14*, 93-94 (2021)

Časopis *Forum Bosnae* je uključen u Ceeol bazu. Prema izvještaju te baze, to je danas najprisutniji i najutjecajniji bosanskohercegovački časopis u svijetu.

7. Redovni godišnji programi

U navedenoj cjelini – potpore studentima i istraživačima, javni skupovi i časopisi – uspostavljeni su redovni godišnji programi: (1) Sarajevo UN sedmica međuvjerskog sklada u svijetu, (2) Internacionalna konferencije Sarajevo i svijet; (3) Internacionalna konferencija Jedinstvo i razlike u Evropi; (4) Internacionalna ljetna škola Mladi i naslijeđe; (5) Internacionalni kolokvij Bosanska usmena tradicija u kulturi svijeta.

Sarajevo UN sedmica međuvjerskog sklada u svijetu

Ideje, ideali i programi afirmacije suverenosti pojedinca i od tog neodvojivih njegovih prava i dužnosti te sve složenije povezanosti cjeline čovječanstva, nameću potrebu za globalnom etikom koja svoje temelje i potvrde nalazi u religijskim i kulturnim zasebnostima. Iza različitosti jezika stoje različitosti kulturnih i političkih pripadanja. Ako u tome nije prepoznata nepovredivost ljudske pojedinačnosti, njeno pravo na život i bivanje sretnim, kulturne i političke razlike postaju nesvladive u odnosu s idealom globalne etike.

To su razlozi zašto je Generalna skupština organizacije Ujedinjenih naroda na svojoj sjednici 20. oktobra 2010. godine donijela odluku da u cijelom svijetu prva sedmica februara bude Sedmica međureligijskog sklada u svijetu. Sve države članice, nevladine i vladine organizacije, ustanove i pojedinci pozvani su da u toj sedmici organiziraju programe koji bi doprinijeli razumijevanju religijske pluralnosti svijeta i otklanjanju svih oblika netolerancije, napetosti i nasilja među pripadnicima različitih religijskih zajednica.

Rješavanje pitanja međureligijskog sklada u svijetu pretpostavka je bolje budućnosti. Nema države u svijetu koja nije u većoj ili manjoj mjeri religijski pluralna. Kada je riječ o bosanskohercegovačkoj historiji i kulturi, njena suština su nastojanja za očuvanje i harmoniziranje religijske pluralnosti. Ta činjenica je u devetnaestome i dvadesetome stoljeću, u ideološkim vidicima nacionalizma, fašizma i fundamentalizma, smatrana zaprekom za homogeniziranje etnonacija na čistim etnoteritorijama. I u tome valja tražiti osnove užasavajućih događenih i još uvijek prijetećih zločina. Upravo u navedenome su razlozi za odluku da Uprava Međunarodnog foruma Bosna od 2013. godine organizira Sarajevo UN sedmicu međureligijskog sklada u svijetu.

Internacionalna konferencija Sarajevo i svijet

Grad Sarajevo je kulturno i političko središte bosanskohercegovačke države. I više od tog. Grad Sarajevo je historijska i kulturna sinteza svih etičkih i estetskih ideala bosanstva kao društvene pluralnosti koja se razvija i sabire u održiv politički poredak. Tako je to historijsko i kulturno naslijeđe kompatibilno s najvrjednijim postignućima savremenog svijeta u kojem se naglo uvećava broj gradskog stanovništva i sve ubrzaniji i složeniji postaju odnosi među ljudima različitih religijskih, političkih i kulturnih pripadanja. Bašćaršija je i realna i simbolička jezgra Sarajeva, a tako i cijele zemlje. Značenje te simboličke sinteze je univerzalno.

Opravdano je reći da Sarajevo sa svojom Bašćaršijom predstavlja jedinstven evropski grad. Jedinstven, jer u ukupnosti trajanja Bašćaršije, od najstarijeg pisanog spomena iz 1462. godine, to je organska sinteza religijski pluralnog društva. Džamije, crkve i sinagoge obilježavaju na uzbudljiv i neosporiv način tu religijsku pluralnost koja je presudno važan model i svih modernih društava.

S obzirom na to da je bosanska religijska pluralnost bila u posljednjim stoljećima izložena ideološkim destrukcijama, univerzalne vrijednosti Sarajeva s njegovom Bašćaršijom ostale su izvan ozbiljnih intelektualnih vrednovanja i predstavljanja. Zato je na sudionicima političkog, kulturnog i ekonomskog poretka odgovornost da Sarajevu, s Bašćaršijom kao jezgri sveg bosanstva, vrate i daju ono dostojanstvo koje pripada najvrjednijem naslijeđu svijeta. Urgentna i presudno važna je potreba da se u tom pogledu napravi temeljni zaokret te da Bašćaršija kao jezgra Sarajeva iz svih bosanskih sadržaja društvene pluralnosti bude uvedena u ozbiljno i dalekoročno usmjereno naučno vrednovanje i predstavljanje sebi, cijeloj državi i svijetu.

Internacionalna konferencija Jedinstvo i razlike u Evropi

Od 2006. godine Međunarodni forum Bosna organizira internacionalnu konferencija *Jedinstvo i razlike u Evropi* (ICUPE). Te konferencije održavaju se u Sarajevu i Mostaru. To je jedinstvena globalna inicijativa. Njome su povezivani pluralistički vidici religijskih mišljenja s društvenim znanstvenim istraživanjem tolerancije, civilnog društva, kulturnog naslijeđa i identiteta, te tumačenja i primjena modernih i tradicijskih shvatanja uzajamnosti

religije i javnog života. Cijela konferencija je zamišljena kao dugoročni pothvat u razvoju međunarodnih mreža za takvu vrstu razmjena znanja, gledanja i pristupa. Program konferencije okuplja istraživače iz svih dijelova svijeta, kao i sudionike u različitim pothvatima usmjerenim na razumijevanje i jačanje povjerenja među različitim kolektivnim identitetima u savremenom društvu.

Cilj konferencije je ispitati kako teorijske modele tako i konkretne načine međudjelovanja religijskih orijentacija i sekularnih modela politike i društva u evropskom prostoru, s posebnim naglaskom na manjinske vidike. Njen vodeći princip jeste da, ukoliko se između različitih grupa želi izgraditi odnos tolerancije i razumijevanja i ukoliko se želi oblikovati građansko društvo, onda je neophodno ukloniti potencijalne barijere između sekularnih modernih i nešto tradicionalnijih religijskih vrijednosti. Politička orijentacija i religijska praksa moraju se razvijati kako na religijskim tradicijama tako i na uvidima u sekularnu modernost na neke nove i kreativne načine.

Internacionalna ljetna škola Mladi i naslijeđe

Ljetna škola Mladi i naslijeđe rezultat je praktičnog razvoja tokom niza godina istraživanja o toleranciji, a zasniva se na širokoj mreži partnera, kako pojedinaca tako i organizacija, koji predano rade na društvenoj i kulturnoj obnovi, pomirenju i poštivanju razlika. Njen cilj je pomoći mladima da što bolje shvate i što više cijene različitost i pluralnost svjetskih kultura, osobito onih koje doprinose evropskoj različitosti. Samo tako jedinstvo u različitosti Bosne i Hercegovine, kao model jednog otvorenog društva, može biti priznato, sačuvano i razvijano.

Kroz integrirani dvosedmični program seminara, rada na terenu, praktičnih aktivnosti i večeri posvećenih rekreaciji sudionici će moći dobiti stručna objašnjenja i steći praktično iskustvo vezano za tradicionalne zanate i osnovne vještine, graditeljsko naslijeđe, održive načine života i očuvanje životne sredine. Sudionici će, pored toga, biti motivirani da promišljaju o mogućim načinima izgradnje i održavanja društveno kohezivnih ali suštinski otvorenih zajednica, kao i o važnosti kombiniranja različitosti sa snažnim korijenima u lokalnom naslijeđu.

Osoblje škole čine domaći i gostujući stručnjaci za promicanje kulturnog i religijskog dijaloga, za specifična područja u oblasti očuvanja i promicanja naslijeđa, tradicionalnih zanata i tehnika te stručnjaci za srodne oblasti. Škola može ugostiti najviše 30 mladih

sudionika iz Bosne i Hercegovine, drugih evropskih zemalja i ostalih dijelova svijeta. Takav internacionalni sastav osigurava veoma živ susret između pripadnika različitih kultura.

Internacionalni kolokvij Bosanska usmena tradicija u kulturi svijeta

Internacionalni kolokvij *Bosanska usmena tradicija u kulturi svijeta* zamišljen je kao pokretanje dugoročnog programa povratka bosanskog usmenog naslijeđa iz svijeta u zemlju njegovog porijekla. Predviđeno je da prostorni i sadržajni obuhvat ovog programa budu šireni od jednog do drugog skupa, i to u skladu s istraživačkim putem Milmana Parryja i Alberta Lorda od Stoca do Bijelog Polja, a preko Trnova, Gacka i drugih mjesta.

Tridesetih godina dvadesetog stoljeća Milman Parry, profesor harvardskog univerziteta, nastojeći steći potpunije uvide u žive oblike usmenih tradicija u funkciji svoje teorije o korištenju učvršćenih formula u homerskim spjevovima, proveo je opsežna istraživanja južnoslavenskih usmenih naslijeđa. Tada je on, zajedno sa svojim asistentom Albertom Lordom, u Bosni otkrio "najčistiju" oralnu tradiciju. Na osnovi tih otkrića njih dvojica formulirali su sada općenito poznatu Parry/Lord tezu. U tome pothvatu, kao i u nizu drugih koji su ga slijedili, nastala je jedna od najvećih zbirki zvučnih i pisanih dokumenata usmene tradicije u svijetu.

Zbirka temeljno svjedoči o bosanskoj kulturnoj tradiciji, iako su njeni sadržaji, u skladu s ideologijskim odnosima prema Bosni, bosanstvu i bošnjaštvu, različito atribuirani. Ona je danas jedan od temeljnih sadržaja kulture svijeta. Poznatija je u akademskim središtima izvan Bosne nego u mjestima u kojima su živjeli izvorni baštinici te tradicije. Opravdano ju je smatrati dokazom univerzalnih vrijednosti bosanske usmene tradicije u kojoj su odraženi glavni ideali svijeta u kojem je nastala i kojem pripada.

8. Sarajevo i bosanskohercegovačka cjelina

Međunarodni forum Bosna je osnovan kao bosanskohercegovačka nevladina organizacija u kojoj su preispitivani odnosi ruba i središta. Nije moguće govoriti o bosanskohercegovačkoj povijesnoj, kulturnoj, političkoj i ekonomskoj cjelovitosti a da u obzir ne budu uzeti odnosi sa susjedstvom i neodvojivost interesa svega što je fizički u toj cjelini rubno, a ipak neodvojivo od Sarajeva, bosanskohercegovačkog središta i simboličke glave te cjeline. U Sarajevu je sabrana i faktički i simbolički bosanskohercegovačka povijesna,

kulturna i politička ukupnost. A to znači da su pothvati osvješćenja bosanskohercegovačkog jedinstva u razlikama neodvojivi od odgovornosti tog središta za sve s njime povezano. Na toj osnovi Uprava i članovi Međunarodnog foruma Bosna nastoje djelovati u toj cjelini za koju, kako oni smatraju, ne postoji hijerarhijski odnos prava, već postoji hijerarhijski odnos odgovornosti. U Sarajevu je viša odgovornost prema svemu što čini bosanskohercegovačku cjelovitost negoli bilo čega izvan te središnjosti prema njoj.

U skladu s navedenim, u svim programima Međunarodnog foruma Bosna Sarajevo je predstavljano kao simboličko ogledalo svega bosanskohercegovačkog. U vremenu duljem od 25 godina u programima Međunarodnog foruma Bosna sudjelovalo je aktivno više hiljada uglednih naučnika i umjetnika, javnih radnika i poduzetnika iz cijeloga svijeta. Ali te aktivnosti su realizirane u krugu od nekoliko milijuna posrednih i neposrednih korisnika u zemlji i svijetu. Njima je Sarajevo predstavljano simbolom u kojem valja tražiti sličnosti s idejom i idealom harmoničnih odnosa u svijetu. Ti sadržaji simboličkog značaja Sarajeva kao središta svega bosanskohercegovačkog nisu vidljivi ni većini današnjih bosanskohercegovačkih građana. Ali u njihovom odnjeranju u odnosu s najboljim postignućima kulture, politike i ekonomije u svijetu valja ih otkrivati kao usmjerenje prema boljoj budućnosti.

Sjedište Međunarodnog foruma Bosna je u Sarajevu. U njegovom vlasništvu je zgrada u ulici Sime Milutinovića Sarajlije 10, stečena radom i štednjom njegovih članova. U Stocu je Međunarodni forum Bosna uključen u dugoročni pothvat obnavljanja razorenog kulturnog naslijeđa. Gotovo sve što je u tom gradu učinjeno u tom pogledu, domišljeno i pripremljeno je u Međunarodnom forumu Bosna. Tamo Međunarodni forum Bosna ima u vlasništvu rekonstruiranu kuću u kojoj je organiziran najveći dio aktivnosti Internacionalne ljetne škole Mladi i naslijeđe. Ta sada uglavnom dovršena kuća imenovana je kao HIDR I, što je akromin od *House of International Dialog and Research/Kuća internacionalnog dijaloga i istraživanja*. U toku je sličan pothvat s kućom HIDR II. Na poslovima rekonstrukcije tih dviju kuća, koje potječu s početka 18. stoljeća i posve razorenih u toku posljednjeg rata protiv Bosne, angažirani su sudionici Internacionalne ljetne škole Mladi i naslijeđe. Tako je ovaj pothvat postao paradigmatičan za odgovaranje na pitanje o odnosu kulturnog naslijeđa i društvenog povjerenja te o odnosu nasilja i odgovora na njeg.

Izjava 1/2023

Izjavljujem pod punom moralnom, materijalnom i krivičnom odgovornošću da Međunarodni forum Bosna, nevladina organizacija osnovana 1997. godine, nije ni prije ni sada, nit će to činiti u budućnosti, djelovala u funkciji bilo koje političke organizacije u zemlji i izvan nje.

U skladu s statutarno određenim ciljem, Međunarodni forum Bosna je osnovan te tokom cijelog svog postojanja i djelovao u funkciji afirmiranja najboljih iskustava demokratski utemeljenih političkih poredaka, harmoniziranja bosanskohercegovačkog pluralnog društva i snaženja društvenog povjerenja kao preduvjeta stabilnosti i razvoja.

Rusmir Mahmutćehajić

Predsjednik Međunarodnog foruma Bosna



Sarajevo, 10. 5. 2023.

RF. 38/23


BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
SLUŽBA ZA JAVNI ISKAZ
INTERKULTURNI VEŠTAČENJE

Ov. broj:
Datum: 11-05-2023, 10. god.

Svjedočeno je potpisano-je ova isprava-priznanje-je za svoj potpis i pečat na ovoj ispravi.
Identitet je utvrđen na osnovu L.I.K. broj:

Napomena:

Tekst:



Izjava 2/2023

Izjavljujem pod punom moralnom, materijalnom i krivičnom odgovornošću da je Međunarodni forum Bosna podnio odgovarajuće izvještaje o korištenju sredstava koja je ranije odobrio Grad Sarajevo.



Rusmir Mahmutćehajić
Predsjednik Međunarodnog foruma Bosna

Sarajevo, 10. 5. 2023.

RF. 39/23

BOSNA I HERCEGOVINA
FEDERACIJA BOSANSKE I HERCEGOVINE
KANTON SARAJEVO
OPĆINA SARAJEVO
SLUŽBA ZA
IMUNIZACIJU

On: broj: 2668
Datum: 11-05-2023

(PREZIM I IME)

Svjedočena je potpisana osoba i pravo priznanje je za svaki potpis - makar na ovaj ispravak.
Identitet je potvrđen na osnovu L.K. broj:

Napomena:

Titula:

M.M.

Izjava 3/2023

Izjavljujem pod punom moralnom, materijalnom i krivičnom odgovornošću da je Međunarodni forum Bosna u toku svog postojanja od 1997. godine do danas svoje programe realizirao na području grada Sarajeva kao glavnog grada države Bosne i Hercegovine, i to u brojnim sadržajima koji odgovaraju cilju njegovog osnivanja i planovima rada.

Pojedinosti o tome dane su u dokumentu Međunarodni forum Bosna: 25 godina postojanja.



Rusmir Mahmutćehajić

Predsjednik Međunarodnog foruma Bosna

Sarajevo, 10. 5. 2023.

RF. 40/23

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA SARAJEVO
SKUPŠTINA ZAJEDNIČKI
IZVRSNI ODBOR

Dr. broj:
Datum: 11-05-2023

.....
.....

Svaki dokument je pošteno i pravilno
potpis i pečat na ovaj način.
Identitet je utvrđen na osnovu L.K. broja:

Napomena:

Tiska:

M.P.

Izjava 5/2023

Izjavljujem pod punom moralnom, materijalnom i krivičnom odgovornošću da je Međunarodni forum Bosna i načinom i sadržajem svog rada u 25 godina svog postojanja sve svoje programe temeljio na idejama i idealima razumijevanja i snaženja društvene pluralnosti grada Sarajeva kao paradigme bosanskohercegovačkog društva. U okviru tih programa istraživana su, predstavljena i snažena razumijevanja tolerancije među etničkim i religijskim različitostima u društvenoj cjelini.

Navedena tvrdnja je bitan sadržaj svih postignutih rezultata u 25 godina postojanja i rada Međunarodnog foruma Bosna.



Rusmir Mahmutćehajić

Predsjednik Međunarodnog foruma Bosna

Sarajevo, 10. 5. 2023.

RF. 92/23

BOSNA I HERCEGOVINA
FEDERACIJE BIH I HRVATSKOVINE
KANTON SARAJEVO
OPĆINA SARAJEVO
SLUŽBA ZA IZDAVANJE I
POSREDOVANJE

Ov. broj:
Datum: 11.05.2023

.....

.....

Svjedočno je potpisano/la oči u ispravu/priznalo/la je za svu
potpis - raskopis na o. o. j ispravi.
Identitet je utvrđen na osnovu L.K. broj:

Napomena:

Dokaz:



Izjava 7/2023

Izjavljujem pod punom moralnom, materijalnom i krivičnom odgovornošću da su doprinosi Međunarodnog foruma Bosna u razumijevanju, razvoju i primjeni tolerancije u pluralnom društvu, temeljene na različitim pristupima (politički realizam, indiferentnost, autonomnost pojedinca, epistemološka skromnost i otvorena tumačenja religijskih naslijeđa), vidljivi u svim izvještajima i planovima od samog osnivanja pa do danas.

Pored ostalog, Međunarodni forum Bosna je prvi u čitavoj historiji bosanskohercegovačkih zalaganja za razumijevanje i tumačenje koncepta tolerancije objavio više brojeva časopisa Forum Bosnae u koje su uključena najvažnija svjetska iskustva u tom području te organizirao desetine naučnih skupova o tome.



Rusmir Mahmutćehajić

Predsjednik Međunarodnog foruma Bosna

Sarajevo, 10. 5. 2023.

RF. 44/23

BOSNA I HERCEGOVINA
FEDERACIJA BOSANSKE I HERCEGOVINE
KANTON SARAJEVO
OPŠTINA SARAJEVO
BILJEŽKA ZA
IDENTIFIKACIJU


Ov. broj:
Datum: 11. 05. 2023. 26. put

Svjedočeno je potpisano - la ova isprava priznata - la je za svaki
potpis - ulazila na ovaj ispravi.
Identitet je potvrđen na osnovu L.K. broj:

Napomena:

Taksa:

M.P.



Izjava 8/2023

Izjavljujem pod punom moralnom, materijalnom i krivičnom odgovornošću da je Međunarodni forum Bosna, polazeći od mjesta i uloge grada Sarajeva u bosanskohercegovačkoj ukupnosti, planirao i realizirao afirmaciju najvažnijih sadržaja savremenih urbanističkih teorija i njihovih sadržaja i odraza u kulturi grada Sarajeva. Na taj način Međunarodni forum Bosna je doprinio razumijevanju značaja grada Sarajeva kao mogućeg urbanog i društvenog naslijeđa koje može biti tumačeno kao potvrda savremenim procesima urbanizacije, interreligijskog dijaloga i kulturnih razmjena svojstvenih za savremena demokratska društva.



Rusmir Mahmutćehajić
Predsjednik Međunarodnog foruma Bosna

Sarajevo, 10. 5. 2023.

RF. 43/23

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA STARO GRAD
SLUŽBA ZA GRAĐEVINARSTVO
INSPEKCIJSKE POSLUGE

U. broj:
Datum: 10-05-2023. god.

(prezime)

Svojućeno je potpisano i ovim ispravom priznato je za svoj potpis - rukopis na ovoj ispravi.
Identitet je utvrđen na osnovu L.K. broj:

Napomena:

Tekst:



Izjava 9/2023

Izjavljujem pod punom moralnom, materijalnom i krivičnom odgovornošću da je Međunarodni forum Bosna u ukupnosti svog djelovanja uspostavljao i razvijao saradničke veze s brojnim pojedincima i organizacija u zemlji, susjedstvu i najširim svjetskim okvirima. Tako je doprinio prepoznavanju najvažnijih sadržaja historije i kulture grada Sarajeva te podsticao njegov razvoj kao prepoznatljive adrese naučnih i umjetničkih okupljanja.



Rusmir Mahmutćehajić

Predsjednik Međunarodnog foruma Bosna

Sarajevo, 10. 5. 2023.

RF. 46/23

BOSNA I HERCEGOVINA
FEDERACIJA BOSANSKE HERCEGOVINE
KANTON SARAJEVO
OPĆINA STARI GRAD
SLUŽBA ZA UPRAVU I INSPERCIJSKE POSLOVE

(N. broj)
Datum: 11-05-2023

Svojućeno je potpisno-izjavno lično priznanje, potpisano i pečatno, u ovom postupku, na ovaj način.
Istovremeno je utvrđeno na osnovu L.N. broj:

Napomena:

Tokom:

